



16. juni 2016

Inatsisartut Suleriaasianni § 37 naapertorlugu Naalackersuisunut apeqqut imaattoq matumuuna saqqummiuppara:

**Isumaginninnermut immikkoortortaqarfimmi immikkut ittumik suliniuteqarnermut tunngasumut Naalackersuisunut apeqquteqaat:**

- 1. Naalackersuisut suliniutit suut ingerlanniarpaat isumaginninnermut suliat kinguaattooqqasunut, tamatuminnga nuna tamakkerlugu nakkutilliinikkut nalunaarusiat, soorlu Tasiilami meeqqat pillugit suliat 520-it?**
- 2. Naalackersuisut eqqarsaatigissanerpaat Kommuunit kattullugit ataatsimeeqatigissanerlugit, inuiatta unammilligassaat aammalu isumaginninnermut suliassat kinguaattooqqanerinut atatillugu?**
- 3. Naalackersuisut sulianut kinguaattooqqasunut immikkut ittumik suliniummik aallartitsiniarnerlutik, aammalu aallartitsisoqassappat naatsorsuuteqarnerlutik qanoq akisutiginiarneranik?**
- 4. Naalackersuisut pilersaruteqarnerlutik isumaginninnermut sulianut tunngasumik ataavarnerusumik aningaasalersuinissamut, kinguaattoortoqannginnissaa anguniarlugu aammalu ilinniartitaanikkut sulilersitsisarnikkullu Naalackersuisut suliniuteqariarnerlutik suliamut tulluuttumik sulilersitsinissamut qulakkeerinnittussamik?**  
(Inatsisartunut ilaasortaq Tillie Martinussen, Demokraatit)

**Tunngavilersuut**

Isumaginninnermut immikkoortortaqarfik inissisimanagerluppoq. Isumaginninnermut suliassat amerlapput isumaginnittussallu ikippallaarlutik. Tamannalu takutippaa isumaginninnermut sulianut kinguaattooqqarujussuarneq. Kinguaattooqqaneq pineqartunut kingunerluuteqartoq.

Meeqanut isumaginninneq Tasiilami assersuutigilara:

Uani nakkutilliinikkut paasissutissami isumaginninnermut pisorta qarfiup suliaani takutinneqarpoq meeqaat inuusuttullu immikkoortortaqarfiani 520-it suliat ingerlasut. Sullissisussat pingasut suliaq kivittussaavaat. Taamaasilluni nammineq takutippoq suliaq qanoq angujuminaatsiginera.

Nakkutilliinikkut paasissutissap aammattaaq erseqqissarpaa kallerriutigineqartut amerlanerit piffissaq killeqarnera pissutigalugu suliarineqarneq ajortut. Kallerriutigineqartummi matuunarneqartarput pissutigalugu qaammatit arlallit suliarineqaratik uninnganikummata. Allatut oqaatigalugu suliaq unitsiinnarneqartarpoq piffissaq killeqarnera pissutigalugu meeqqallu pisariaqartitai pinnagit.

Tamanna isumaginninnikkut sumiginnaanerujussuuvoq, uagullu aaliangiisartutut pisussaaffigaarput tamanna iluarsissallugu.



Tasiilami pisut assersuutitut tiguneqassapput. Kommune Kujallermi isumaginninnermi suliat 1.100-juusut assersuutitut tigusimasinnaagaluarpara imaluunniit Nunatta avannaani pisut Meeqqat oqaaseqartartuannit nalunaarusiaq pisunut pitsaanngitsunut oqaluttuartoq aamma tigusimasinnaagaluarpara.

Politikkeritut inuiattullu suiassaqarpugut annertunerusumik innuttaaqatigut ajunngittumik pinissaat, namminneq saqqummersinnaanngitsut immikkullu pingaartumik meerartavut.

Ullut qulit suliffiusut iluanni apeqqutit akineqareersimanissaat piumasaqaataavoq.